



KEMENTERIAN KESIHATAN MALAYSIA

KENYATAAN MEDIA

KEMENTERIAN KESIHATAN MALAYSIA

SITUASI SEMASA DEMAM DENGGI DI MALAYSIA

MINGGU EPIDEMIOLOGI 04 (21 JANUARI 2024 – 27 JANUARI 2024)

Pada Minggu Epidemiologi ke-04 tahun 2024, jumlah kes demam denggi yang dilaporkan adalah sebanyak 3,781 kes berbanding 3,971 kes pada minggu sebelumnya. Terdapat tujuh (7) kematian akibat komplikasi demam denggi dilaporkan pada Minggu Epidemiologi ke-04 tahun 2024.


Kumulatif kes demam denggi yang dilaporkan sehingga Minggu Epidemiologi ke-04 adalah sebanyak 14,458 kes berbanding 8,968 kes bagi tempoh sama tahun 2023. Manakala terdapat sembilan (9) kematian akibat komplikasi demam denggi telah dilaporkan berbanding empat (4) kematian bagi tempoh yang sama pada tahun 2023.

Bilangan lokaliti hotspot yang dilaporkan pada Minggu Epidemiologi ke-04 adalah sebanyak 148 lokaliti berbanding 127 lokaliti hotspot pada minggu sebelumnya. Dari 148 lokaliti yang dilaporkan, 124 lokaliti di Negeri Selangor, 14 lokaliti di WPKL & Putrajaya, lima (5) lokaliti di Negeri Sembilan tiga (3) lokaliti di Negeri Perak, satu (1) lokaliti di Pulau Pinang dan satu (1) lokaliti di Negeri Sabah.

Bagi surveilan chikungunya, tiada kes direkodkan pada Minggu Epidemiologi ke-04. Jumlah kumulatif kes chikungunya sehingga kini adalah dua (2) kes. Tiada wabak Chikungunya dilaporkan pada ME04/2024. Bagi surveilan zika, sebanyak 149 sampel darah telah dijalankan saringan zika dan hasil kesemuanya adalah negatif.

Komuniti setempat diseru agar menyahut seruan Program '*One Hour Malaysia Clean Up*' yang dilaksanakan setiap Sabtu minggu keempat setiap bulan sebagai usaha membanteras tempat pembiakan nyamuk *Aedes*. Selain daripada itu, masyarakat juga boleh libatkan diri dalam aktiviti Kutip Sampah Sambil Beriadah (KUDAH) bersama ahli keluarga. Aktiviti ini dapat menyihatkan badan dan menyegarkan minda serta secara tidak langsung mendorong orang ramai supaya melaksanakan tanggungjawab bagi memastikan alam sekitar terus terpelihara, bersih dan bebas dari tempat pembiakan *Aedes*. Amalkan sikap menjaga kebersihan persekitaran agar rantai ekosistem nyamuk dapat diputuskan sehingga dapat mengurangkan kejadian kes denggi. **Tiada *Aedes*, tiada denggi, chikungunya dan zika.**


DATUK DR. MUHAMMAD RADZI BIN ABU HASSAN
Ketua Pengarah Kesihatan
Kementerian Kesihatan Malaysia
5 Februari 2024




Gambarajah 1: Perbandingan kes dan kematian demam denggi Minggu Epidemiologi ke-04 & ke-03 tahun 2024



Gambarajah 2: Perbandingan kes dan kematian demam denggi sehingga Minggu Epidemiologi ke-04 tahun 2024 dan tempoh sama tahun 2023



Gambarajah 3: Perbandingan tren kes mingguan demam denggi Malaysia tahun 2024 (sehingga Minggu Epidemiologi ke-04), 2023 dan median 2019-2023



Gambarajah 4: Jumlah lokaliti hotspot denggi Minggu Epidemiologi ke-04 tahun 2024